

ՄԵՐ ՀԱՍՍԻԿԸ

Չափազանց ծանր ու դժվար է լավ ընկերող, փայլուն մասնագետի և ափեափ լյաճքով ու կենսախնդրությամբ ճառագող մարդու մասին անցյալ ժամանակով խոսելը: Մեր Հասմիկն այրախն էր: Միշտ պատրաստակամ էր, անընդհատ շարժման մեջ էր նրա ստեղծագործ միտքը: Էր ուսերին առաջ ծանր հոգար կարող էր նոռանալ և հասնել ընկերներին ու ծանոթներին: Լուսավոր և առինքնող կերպար էր, այրվեց կերոնի պես, լոյս տվեց շրջապատին՝ անկատար քողնենով բազում ծրագրեր ու երազանքներ:



Համուշների գրառման, համակարգման և ուսումնակիրման գործին:

Ծնվել էր 1957թ., Լենինականում՝ ծառայողի ընտանիքում: Միջնակարգ դպրոցը ավարտելուց հետո փայլուն ուսումնառություն էր ստացել Լենինականի Գ.Կարա-Մուրզայի անվան երաժշտական ուսումնարանի երաժշտության և ենության բաժնում, որտեղ նրա մասնագիտական հեռանկարի ուղղորդման գործում նշանակալի դեր է կատարել վաստակաշատ երաժիշտ-մանկավարժ, կոմպոզիտոր Ազատ Շիշյանը:

1978-1983թթ. նա ավարտում է Երևանի Կոմիտասի անվան պետական կոնսերվատորիայի երաժշտագիտական ֆակուլտետը՝ ուսանելով երաժշտագետ-ֆոլկլորագետ, պրոֆեսոր Մարգարիտ Բրուտյանի մասնագիտական դասարանում: Ահա այս տարիներին էր, որ Հ.Ավիինյանը որպես մասնագիտական ասպարեզ ընտրեց երաժշտական ֆոլկլորագիտությունը և բուհական ավարտածառը նվիրեց հայկական ժողովրդական ստեղծագործության բարդ երգատեսակներից մեկին՝ գրեթե չուստմնակիրված օրորոցային երգի ժանրային տիպարանական հետազոտությանը: Ուսումնառության ավարտից հետո էլ Հ.Ավիինյանը մնաց իր ուսուցչապետի նվիրյալ սանը, և անցած ճանապարհին նրա բոլոր հաշորությունները մշտական մնացին Մ.Քրուտյանի տեսադաշտում, արժանացան նրա դրվագանքին և ուշադրությանը:

Չնայած մայրաքաղաքում կրթությունը շարունակելու և աշխատելու լավագույն հնարավորությանը՝ Հ.Ավիինյանը վերադարձավ ծննդավայր և միացավ երիտասարդ այն գիտնականներին, որոնց համախմբել էր Լենինականի «Կոմայրի» պատմա-ճարտարապետական արգելոց-քանօպարանը մի պայծառ զաղափարի շուրջ. Վերականգնել և պահպանել պատմական Ալեքսանդրապոլի պատմանշակութային դիմագիծն ու զերծ պահել այն ոչնչացումից ու աղավաղումներից: Ահա այս ժամանակ էր, որ Հ.Ավիինյանը նվիրվեց հարազատ քաղաքի մշակութային համալիրում երաժշտաբանական և աշուղական արվեստի նմուշների գրառման և համակարգման աշխատանքներին՝ ձեռնամուխ լինելով հայ երաժշտագիտության մեջ սակավ ուսումնակիրված մի ոլորտի՝ քաղաքային ժողովրդական երաժշտության ուսումնակիրության, նրա հիմնախնդիրների արծարծման և զարգացման արդի միտունների հետազոտությանը:

Ծուսով երևան եկան նրա հետևողական աշխատանքի առաջին արդյունքները. 1989թ. Լեմինգրապում հրատարակվեց «Հայ երաժշտության դիսկոգիաֆիան 1916-1989թթ.» ժողովածուն, որի համահեղինակներից մեկը Հ.Ափինյանն էր:

1997թ., զինված նույ 15 տարվա զիտական աշխատանքի հմտություններով, նա վստահորեն մուտք գործեց նորարաց ԳԱԱ ՇՀՀ կենտրոն, որ իր գործընկերների հետ նվիրվեց երաժշտաբանական զիտական ծրագրերի, Շիրակի երաժշտական արվեստի ուսումնասիրության մեթոդաբանության մշակման, տեղեկատվական արժեքավոր բազայի ստեղծման գործին:

Հ.Ափինյանի հեղինակած շորջ երկու տասնյակ հոդվածներն ու հրապարակումները արծարծում են Շիրակի ծիսական երգերի, մարզի առանձին զյուղերի երաժշտաբանական կատարողական արվեստի ու նվազագարանաշինության առանձնահատկությունների, օրորոցային երգերի որոշ հորինվածքային-տաղաչափական խնդիրների, Շիրակի արդի երաժշտական բանահյուսության զիտամեթոդական ուսումնասիրության կարևոր հարցեր:

Տևական աշխատանքի շնորհիվ նրան հաջողվեց ի մի բերել Շիրակում ներկայում ստեղծագործող աշուղների ստեղծագործական կյանքի կարևոր փուլերը: Մի առանձին ոգևորությանք ձեռնանուխ եղավ աշուղ Իզիրի ստեղծագործության՝ իր տեսակի մեջ եղակի ուսումնասիրությանը: Աշուղի կյանքին ու գործին էին նվիրված նրա մի շարք հաղորդումները միջազգային ու հանրապետական զիտական նստաշրջաններում ու պարերականներում:

Սակայն նրա «կյանքի գործը» «Հայ օրորոցային երգը» թեմայով աստենախությունն էր, որին ձեռնանուխ էր եղել մեծ նվիրումով և իրականացման հաստատականությամբ: Ցավոր հանկարծահաս մահն այն անավարտ բռղեց, ինչպես անկատար մնացին նրա բազում նոտակացումներն ու երազանքները:

Հասմիկ Ափինյան մարդու և զիտականի պայծառ հիշատակը միշտ վառ կմնա իր գործընկերների սրտում: Նա կա, ապրում է մեր կողքին, մեր հոգիներում՝ լույսի պես մարուր ու պայծառ:

«Յիշատակն արդարոց օրինութեամբ եղիցի ...»

Ս. Հայրապետյան

Հ. Հարությունյան